

元明事類鈔

欽定四庫全書

元明事類鈔卷十二

監察御史姚之駟撰

仕進門

薦舉

有多岐 元史當時仕進有多岐銓衡無定制出身學
校者有國子監學蒙古字學回回國學醫學陰陽學
其策名于薦舉者有遺逸有茂異有求言有進書有

童子

童子舉 元選舉志童子或能默誦經文書寫大字或能綴緝詞章講說經史並令入國子學教育之

不召之臣 續通考元世祖徵劉因為贊善大夫尋辭歸後又徵為集賢學士辭不至帝曰古所謂不召之臣也

奉詔求賢 元史類編侍御程鉅夫奉詔求賢江南起吳澄至京師未幾以母老辭歸

安車迎 元史世祖在潛藩以安車迎李俊民延訪無

虛日

衣冠盛事 元史趙孟頫以程鉅夫薦起家為郎及鉅

夫為翰林學士承旨致仕去孟頫代之先往拜其門
而後入院時人以為衣冠盛事

坐舉主 續通考洪熙元年上諭曰古者除官則署舉
主姓名貪穢則連坐今當循此法

定山高處 湛若水集莊定山被薦官南京驗封郎到

任十二日病風遲留野寺明年赴本部告歸不為題
處又明年考察以老疾去乃先生告歸已改歲矣故
白沙詩曰欲歸不歸何遲遲不是孤臣託疾時此是
定山最高處江間漁父却能知

更無辭表 陳獻章行狀白沙以諸臣交薦不得已至
京師朝廷用故事敕吏部考試會疾不果上疏以母
老乞養辭憲宗授以翰林檢討命親終疾愈仍來供
職復上表謝遲遲始買舟南去李東陽贈白沙詩只

有報恩心未老更無辭表意全真

繼粟終身 今言石亨謀於南陽疏薦吳康齋與弼遣
行人賫束帛勅書召至京授以官僚固辭仍以行人
送歸與璽書令有司繼粟終身

除授

仕三途 姚燧集凡今仕惟三途一由宿衛一由儒一
由吏由宿衛及儒者十分之一吏則十九有半焉

立選法 續通考成宗大德二年立選官之法從七品

金定四庫全書
卷十二
以下屬吏部正七品以上屬中書三品以上非有司
所予奪由中書取進止

出身通事 元史徹爾請罷科舉叅政許有士曰科舉
取士豈不愈於通事知印等出身者

不喜進士 九朝野記年尚書富不由科甲不喜進士
一日越常規于考滿主事各考論一道稍劣者至遭
撻辱而遇監生則每溫言改容道之

選知州 明紀事本末進士楊集上書于謙曰姦人黃

竝進易儲之說本逃死計耳公等國家柱石不思所以善後乎謙以示王文文曰書生不知法度然有膽當進一級處之進士選知州自此始

題詩部門

黃溥言今古錄奉化應履平除德化縣考

滿吏部試論一篇文雖優而貌寢不得列乃題詩部門云為官不用好文章只要鬍鬚及胖長更有一般堪笑處衣裳糲得硬綳綳閭者以呈冢宰冢宰曰此必應知縣也取其文覽之果高即奏陞吏部郎後仕

至布政

感宦籍 湯顯祖集予以昌平令上計如錢唐盪舟童
子以宦林全集進予覽其書書官書地書名書號大
若麟角細若牛尾亦可以奮孤宦之沉心窺時賢之
能事感而賦之

特用榜 明詩綜傳思陵留意人材俾下第舉人及廷
試貢士俱留特用悉許同進士出身畀以民社之任
諸人又請援例謁大廟及題名太學詔許之

七年一品 嘉靖注畧張璠以議大禮合上意自進士
至一品凡七年四任首輔

科第

文昌星明 元史至元己酉三月太史奏文昌星明文
運將興時世祖行幸上都明日皇孫生是夜張起巖
亦生其後皇孫踐祚為仁宗始設科取士及廷試起
巖居第一其言果驗

左右榜 筆麈元科舉之制有兩榜以蒙古色目人為

右漢人南人為左各命題也

冀得真儒 元史仁宗以二月會試京師中選者親試
于廷賜及第出身有差諭曰不用儒士何以致治設
科取士冀得真儒之用以興治道耳

父子榜 元史類編李世弼于金貞祐間廷試屢不第
一夕夢在李彥榜下及第閱計偕之士無之時子昶
年十六及更名曰彥後父子廷試昶果中二甲第二
人世弼三甲第三人

世科 元史普華子傑文質兄弟子孫相繼登第一門
世科當時希有其盛以為忠義之報

三魁不負 元通鑑李齊招降張士誠士誠無降意呼
齊使跪齊叱曰吾膝如鐵豈為賊屈遂碎其膝而喝
之時論大科三魁若李輔台哈布哈及齊皆不負所學
云

月中花 元史裕魯布哈試江浙鄉闈居右榜第一方
揭曉試官夢月中有花象已而果符其言

棟夢鳳麟 元周伯琦集至正十一年省試有三家兄弟連中號棟夢榜明年二月禮闈揭榜其魁曰李國鳳趙麟人號為鳳麟榜

五桂 元史類編傑列堯兄弟五人俱登進士第方伯表之曰五桂坊

出身不正 元好問集衛紹王方重吏員輕進士至謂高廷玉人材非不佳恨其出身不正耳

卷騰雲霄 楊循吉別記威寧伯王公廷試日稿甫就

忽旋風起掖下騰卷于雲霄中廷臣咸仰視彌久彌
高至不能見詔許別指騰進後公乃以文臣得拜極
品云明詩小傳威寧廷試日旋風掣其卷去逾年高
麗貢使攜以上進占者曰此封侯萬里之徵也

黃練花 玉堂叢話洪武乙丑會試黃子澄第一練子

寧第二花綸第三及殿試讀卷官奏花綸第一子寧
次之子澄又次之是年童謠云黃練花花練黃至是

始驗

馬上占句 耿定向集鄒元齋智年十六發解蜀省迎
宴日觀者驚羨公馬上占句云龍泉山下一書生偶
占三巴第一名世上許多難了事市兒何用喜相驚
既登第館選上書忤權貴而去

三日揭榜 登科考國初於殿試之明日即傳臚揭榜
今制寬以三日內閱卷禮部地專而人衆庶得盡心
鑒別云

觀學士圖 日下舊聞殿試進士填寫黃榜各官散出

宮坊以下與執事者是日赴兵科觀唐人十八學士
圖玉堂舊記十八學士圖皆立像未有沈括跋嘉靖
間蒲州監生魏希古條陳兵事兼進此卷疏下併發
兵科遂留至今云

賦策士歌 典故紀聞宣宗臨軒策士謂儒臣曰取士
不尚虛文欲得如劉蕡蘇轍輩能直言抗論足矣於
是賦策士歌以示讀卷官

一門高第 明盛事記謝文正還以解元會魁中狀元

而子丕復以解元會魁及第倫諭德文叙以會元中
狀元而長子通叅以諒復領省解次子以訓會元及
第一門皆高第焉

廷對直言 明史黨顧允成萬厯中殿試對策有云陛
下以鄭妃勤于奉侍冊為皇貴妃廷臣不勝私憂過
計請立東宮進封王恭妃非報罷則峻逐或不幸貴
妃弄威福其戚屬竊而張之害可勝言執政駭且恚
置末第